



Inatsisartunut ilaasortaq,
Jens-Frederik Nielsen
Demokraatit
Maani/

§ 37 naapertorlugu apeqqummut nr. 2023-62-imut akissut

Inatsisartut suleriaasianni § 37, imm. 1 naapertorlugu ingerlatsilersussanut nutaanut pisassiisarnermut tunngassuteqartunik Naalakkersuisunut apeqquteqarsimavutit. Apeqqut suliassaqaqfigisannit akineqartussanngorlugu innersuunneqarnikuuvoq.

Ulloq: 17-03-2023
Suliap normua: 2023 - 5339
All. nr. 22723778
Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-maili: apn@nanoq.gl
www.naalakkersuisut.gl

- 1. §37 tunngavigalugu apeqquteqaat normu 010/23-mi Naalakkersuisut akissuteqarnerminni ersarissarpaat aalisarnissamut ingerlatsilersussaq nutaaq ukiuni siuliini aalisakkanut taakkununnga qinnuteqarfigisimasamut pisassiisanerni inuk suliffeqarfilluunniit akuersissutaateqarsimassanngitsoq. Nutaamik ingerlatsilersussamik taamatut paasinnissimaneq suli Naalakkersuisunit attanneqarpa?**

1-imut) Aap. Tamannali isumaqanngilaq Naalakkersuisut pissutsinik allanik isiginiagaqanngitsut soorlu ingerlatseqatigiiffinni allani piginnittut eqqarsaatigalugit.

- a. Royal Greenland Tunumi saarullittassiissuteqareersaq, ingerlatseqatigiiffik Tuukkaq Trawl pisilluni ilannguffigaa, 33,33 aammalu 49,99 procent akornanni piginneqataassuteqarluni. Paasissutissaq tamanna tunngavigigaluarlugu Tuukkaq Trawl ingerlatsisutut nutaatut suli Naalakkersuisut isigaat?**

1 a-mut) Aap. siuliani oqaatigineqareersutut pineqartoq tassaavoq suliffeqarfik nutaaq inatsisitigut pisussaaffilik siusinnerusukkut Tunumi saarullittassinneqarsimanngitsoq.

- b. Suna peqqutigalugu Tuukkaq Trawl-mi piginneqataassutsit Naalakkersuisuniit tamanut ilisimatitsissutigineqarsimanngillat, soorlu §37 tunngavigalugu apeqquteqaatigisimasara normu 035/23 17. februar ullulernerqarsimasoq aqqutigalugu?**

1 b-imut) Sulianut ingerlasunut tunngatillugu Naalakkersuisut nalinginnaasumik oqaaseqarneq ajorput. §37 naapertorlugu apeqqummut 2023-35-mut akissutigineqartuni oqaatigineqareersutut sillimmatitut pisassat isummerfigineqarnikuunngillat sulilu Aalisarnermut Piniarnermullu Naalakkersuisoqarfimmi suliarineqarlutik. Tamatuma saniatigut ilisimatitsissutigineqassaaq Tuukkaq Trawlimit qinnuteqaat piginnittut nutaamik nalunaarsorneqarsimanerininik imaqartoq § 37 naapertorlugu apeqqutip 2023-35-ip akineqareernerata kingorna aatsaat tiguneqarmata.

1 Ingerlatsisoq pioreersoq, ingerlatsivik nutaatut isigineqalernissaq anguniarlugu ingerlatsivik nutaaq piginneqataassutsikkut qanoq annertutigisumik piginneqataanissaat pillugu Naalackersuisut qanoq isumaqarpat?

2-mut) Oqaatigineqareersutut pineqartoq tassaavoq suliffeqarfik nutaaq inatsisitigut pisussaaffilik siusinnerusukkut assingusumik akuersissummik pigisaqarsimannigisoq. Tamannali isumaqanngilaq ingerlatseqatigiiffinni allani pisassanillu allanik piginnittuusut Naalackersuisunit isiginiarneqanngitsut. Kalaallit piginnittuunissaanik maleruagassat naapertorlugit ingerlatsinissaq qulakkeerniarlugu Aalisarnerq pillugu Inatsimmi § 6 naapertorlugu piginnittuusut misissorneqartartussaapput. Ingerlatseqatigiiffinni allani piginnittunut sanilliussilluni piginnittut nalilersorneqarsinnaapput, tamannali piumasaqaataanngilaq.

a. Aalisarluni ingerlatsisutut nutaatut qaqugukkut isigineqalernissamut Inatsisitigut/maleruagassatigut/uuttuutitigut pioreersunut Naalackersuisut tikkuussinissaat peqquneqarput.

2 a-mut) Naalackersuisut ilisimatitsissutigisinnaavaat Saattuarniarneq pillugu Namminersorlutik Oqartussat nalunaarutaat nr. 1, 4. januar 2022-meersumi § 13 ima nassuiaatitaqarmat:

“§ 13. [...]Saattuarniarneq nutaat imatut paasineqassaaq; aalisartut ukiup pisassiiviusup siuliani qinnuteqaatigineqartumut akuersissummik peqarsimannigitsut.”

Nipisanniarnaq pillugu Namminersorlutik Oqartussat nalunaarutaat nr. 22, 22. Juni 2021-meersoq makkuninnga isumaqarpoq:


“§3. Nalunaarummi uani imatut paasineqassaaq [...]”

3) aalisalersut nutaat: Aalisartut qinnutigineqartumut nipisanniarsinnaanermut akuersissummik ukiup siuliani assinganik akuersissutaateqarsimannigitsut.”

3. Pineqartumut Naalackersuisut allanik paasissutissiisinnaanerlutik?


3-mut) Naalackersuisut ilisimatitsissutigisinnaavaat ingerlatseqatigiiffiit marluusut qinnuteqaatiminnik nassiussisimalereermata Aalisarnermut Piniarnermullu Nalaackersuisoqarfimmillu saqqummiutereermatigik. Taamaattumik suliamik suliarinninneq naammassiartulerpoq Naalackersuisullu isummernissamut tunngavissiaq martsip naalerneraniluunniit isummerfigissallugu.

Inussiarnersumik inuulluaqqusillunga



Karl Tobiassen

Aalisarnermut Piniarnermullu Naalackersuisoq



3. marts 2023

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuningga apeqquaqateqarpunga:

Naalakkersuisunut apeqquaqaatit:

1. **§37 tunngavigalugu apeqquaqaat normu 010/23-mi Naalakkersuisut akissuteqarnermini ersarissarpaat aalisarnissamut ingerlatsilersussaq nutaaq ukiuni siuliini aalisakkanut taakkununga qinnuteqarfigisimasamut pisassiisimanerni inuk suliffeqarfilluunniit akuersissuteqarsimassanngitsoq. Nutaamik ingerlatsilersussamik taamatut paasinnissimaneq sulii Naalakkersuisunit attanneqarpa?**
 - a. **Royal Greenland Nunatta Kangiani saarullittassiissuteqareersoq, ingerlatseqatigiiffik Tuukkaq Trawl pisilluni ilannguffigaa, 33,33 aammalu 49,99 procent akornanni piginneqataassuteqarluni¹. Paasissutissaq tamanna tunngavigaluarlugu Tuukkaq Trawl ingerlatsisutut nutaatut sulii Naalakkersuisut isigaat?**
 - b. **Suna peqquutigalugu Tuukkaq Trawl-mi piginneqataassutsit Naalakkersuisuniit tamanut ilisimatitsissutigineqarsimannngillat, soorlu §37 tunngavigalugu apeqquaqatigisimasaga normu 035/23 17. Februar ullulerneqarsimsoq aqquutigalugu?**
2. **Ingerlatsisoq pioreersoq, ingerlatsivik nutaatut isigineqalernissaq anguniarlugu ingerlatsivik nutaaq piginneqataassutsikkut qanoq annertutigisumik piginneqataannissaa Naalakkersuisut isumaqarpat?**
 - a. **Aalisarluni ingerlatsisutut nutaatut qaqugukkut isigineqalernissamut Inatsisitigut/maleruagassatigut/uuttuutitigut pioreersunut Naalakkersuisut tikkuussinissaat peqquneqarput.**
3. **Pineqartumut Naalakkersuisut allanik paasissutissiinnaanerlutik?**


(Inatsisartunut ilaasortaq Jens-Frederik Nielsen, Demokraatit)

Tunngavilersuut

Siullermik §37 tunngavigalugu apeqquaqatigisimasannut normu 010/23 aamma 035/23 akissutigineqarsimasut qujassutigaaq. Akissutigineqarsimasut malitseqartitsisumik apeqquaqarnissannut tunngavissiisimapput, maannalu nassiuppakka.

Oqaatigissavara pisortanit pigineqartoq Royal Greenland ingerlatseqatigiiffimmut Tuukkaq Trawl-mut taama annerstutigisumik piginneqataalersimaneranik Naalakkersuisut tamanut ilisimatitsisimannnginnera eqqumiigakku.

¹ <https://profiler.dk/43614770>



DEMOKRAATIT
DEMOKRATERNE

Ileqqorineqartoq ajoraluartumik Naalakkersuisut tungaanniit pineqartup matoqqasuik suliarineqarnissaanik kissaateqarnertut isigisassaavoq. Naalakkersuisut ammanerusumik demokratiskiusumillu ingerlatsinissaat kissaateqarfigaakka.

Taakku avataasigut §37 tunngavigalugu apeqquteqaatigisimasannut normu 010/23-mut tunngavilersuutinnut innersuussivunga.

Apeqqutit ullut qulit suliffiusut iluanni akineqareersimanissaat kissaatigaara.